

TEMA KAMPANJE U 2013.g.

Od mira u kući do mira u svijetu: Oporimo militarizam i zaustavimo nasilje protiv žena!

Kampanja 16 Dana aktivizma protiv rodnog nasilja u 2013. g. nastavlja sa temom **“Od mira u kući do mira u svijetu: Oporimo militarizam i zaustavimo nasilje protiv žena!”** Kampanja 16 Dana aktivizma je usmjerena na unapređenje svijesti o vezi između rodnog nasilja i militarizma, ističe vezu između borbe za ekonomska i socijalna prava i zaustavljanja rodnog nasilja.

Tema kampanje 16 Dana aktivizma je usmjerena na militarizam koji kreira i promovira kulturu straha kao norme koja se održava prijetnjama nasiljem, agresijom i vojnim intervencijama, kao odgovorima na političke i društvene konflikte ili kako bi se osnažili ekonomski i politički interesi.

Kampanja 16 Dana aktivizma će se fokusirati na tri ključne teme, ističući vezu ekonomskih i socijalnih prava sa militarizmom i rodnim nasiljem.

- 1. Nasilje od strane državnih aktera:** Državni akteri koriste prijetnje ili nasilje kako bi pridobili i održali moć.
- 2. Nasilje u porodici i uloga lakog oružja:** Nasilje u porodici se kontinuirano događa širom svijeta, a većina žena u nekom periodu svog života doživi nasilje počinjeno od svojih intimnih partnera.
- 3. Seksualno nasilje tokom i nakon sukoba:** Nasilni sukobi donose više opasnosti za žene i djevojčice jer u mnogo većem broju bivaju izložene silovanjima, seksualnom ropstvu, sakaćenjima, prisilnim trudnoćama i prisilnim brakovima nego tokom perioda relativnog mira.

CENTAR ZA GLOBALNO LIDERSTVO ŽENA (CWGL)

Centar za globalno liderstvo žena osnovan je 1989.g. i od 1991.g. koordinira kampanju 16 Dana aktivizma. Centar djeluje u okviru Škole za umjetnost i nauku na Univerzitetu Rutgers, u Nju Džersiju, Sjedinjene Američke Države.

Misija CWGL-a je razvijanje i osnaživanje liderstva žena za ženska ljudska prava i socijalnu pravdu širom svijeta. Aktivnosti CWGL-a su usmjerene na:

- Unaprijeđenje ekonomskih i socijalnih prava iz feminističke perspektive;
- Javno zalaganje za zaustavljanje nasilja prema ženama i podizanje javne svijesti o vezi militarizma i nasilja prema ženama;
- Razvijanje koalicija i osnaživanje kapaciteta za rad na pitanjima koja su od ključne važnosti za globalni ženski pokret sa ciljem ostvarivanja uticaja na reformisanje i usvajanje politika na državnom i međunarodnom nivou.

Posjetite web stranicu CWGL za više informacija: <http://cwgl.rutgers.edu>.



Centar za globalno liderstvo žena School of Arts and Sciences
Rutgers, The State University of New Jersey
160 Ryders Lane
New Brunswick, NJ 08901-8555 USA

KAMPANJA 16 DANA AKTIVIZMA PROTIV RODNOG NASILJA



Od mira u kući do mira u svijetu: Oporimo militarizam i zaustavimo nasilje protiv žena!

Kampanja 16 Dana aktivizma protiv rodnog nasilja je globalna kampanja usmjerena na zaustavljanje rodnog nasilja. Organizuje se na godišnjem nivou, u periodu od 25. novembra, Međunarodnog dana borbe protiv nasilja prema ženama, do 10. decembra, Međunarodnog dana ljudskih prava.

Kampanju koordinira Centar za globalno liderstvo žena. U periodu od 1991. godine, u njoj je učestvovalo preko 5,167 organizacija iz 187 zemalja širom svijeta.

Kampanja 16 Dana aktivizma je usmjerena na:

- Podizanje svijesti o rodnom nasilju kao pitanju kršenja ljudskih prava;
- Osnaživanje aktivnosti usmjerenih na borbu protiv nasilja prema ženama na lokalnim nivoima;
- Osiguravanje prostora za kreiranje i razmjene strategija;
- Solidarno djelovanje sa aktivistkinjama i aktivistima širom svijeta; i
- Pozivanje vlada na odgovornost prema zaštiti žena od nasilja, kao i prema sprečavanju i suzbijanju nasilja prema ženama.

<http://16dayscwgl.rutgers.edu>

ZAŠTO RODNO NASILJE?

“[...]nasilje nad ženama predstavlja kršenje osnovnih ljudskih prava i prepreku ostvarivanju ciljeva jednakosti, razvoja i mira.”

– Pekinška deklaracija i Platforma za akciju (1995)

Šta je rodno nasilje?

Rodno nasilje predstavlja široko rasprostranjeno kršenje ljudskih prava, krizu javnog zdravlja, i prepreku ostvarivanju ravnopravnosti, razvoja, sigurnosti i mira. Deklaracijom o uklanjanju nasilja prema ženama, usvojenom od strane Ujedinjenih Nacija 1993. godine, nasilje prema ženama je definisano kao “bilo koje djelo rodnog nasilja koji za posljedicu ima, ili je vjerovatno da će imati, fizičku, seksualnu ili psihološku povredu ili patnju žena, uključujući prijetnje takvim djelima, prisilu ili proizvoljno lišavanje slobode, bez obzira da li se događa u javnoj ili privatnoj sferi.” Pojmovi “nasilje prema ženama” i “rodno nasilje” se odnose na široki spektar zlostavljanja počinjenih prema ženama i muškarcima, a koja se vezuju za rodnu neravnopravnost, vjerovanje o tradicionalnoj podjeli rodni uloga i potčinjenog socijalnog položaja žene u odnosu na muškarca.

- Svjetska zdravstvena organizacija procjenjuje da na globalnom nivou najmanje jedna od tri žene biva pretučena, silovana ili na neki drugi način zlostavljana u nekom periodu svog života. U najvećem broju slučajeva, počinitelj nasilja je član njihove porodice.¹
- Istraživanja ukazuju da posjedovanje lakog oružja u kući za 41% povećava rizik da neko smrtno strad, a u odnosu na žene, taj rizik je gotovo trostruko veći.²

¹ Svjetska zdravstvena organizacija. (2005) “WHO Studija provedena u više država o zdravlju žena i nasilju u porodici prema ženama: početni rezultati o rasprostranjenosti, posljedicama po zdravlje i odgovorima žena.” Dostupna na Engleskom jeziku na: <http://www.who.int>

² Wiebe, D.J. (2003) 'Rizici ubistva i samoubistva u vezi sa oružjem u kući : Studija slučaja na nacionalnom nivou', Godišnjak urgentne medicine, Tom 41, Američki koledž doktora urgentne medicine. Dostupno na Engleskom jeziku na: http://parliamentaryforum.org/sites/default/files/2%20-%20Violence_against_women_and_salw_parliamentary_handbook.pdf

Prevod: Minja Štrbac, Fondacija Udružene žene Banja Luka

DATUMI KAMPANJE

Kampanja 16 Dana aktivizma se provodi od 1991. godine, i koristi 16 dana u periodu od Međunarodnog dana borbe protiv nasilja prema ženama (25. novembar) i Međunarodnog dana ljudskih prava (10. decembar), sa ciljem naglašavanja da akti rodnog nasilja čine kršenje ljudskih prava, i da uklanjanje svih oblika rodnog nasilja jeste pitanje ljudskih prava.

25. novembar, Međunarodni dan borbe protiv nasilja prema ženama. Kampanja počinje 25. novembra i usmjerava pažnju na problem rodnog nasilja. Datum je odabran u čast sestara Mirabel, koje su 1960.g. stradale pod diktaturom Rafaela Truilja u Dominikanskoj Republici. 1999.g. Ujedinjene Nacije su zvanično prepoznale 25. novembar kao dan borbe protiv nasilja prema ženama na međunarodnom nivou.

10. decembar, Međunarodni dan ljudskih prava se vezuje za dan kada je 1948.g. usvojena Univerzalna deklaracija o ljudskim pravima. Kampanja koristi Međunarodni dan ljudskih prava kao priliku da obilježi potpisivanje ovog važnog istorijskog dokumenta i principa koje on promovise.

29. novembar: Međunarodni dan braniteljica ljudskih prava, dan koji obilježava važnost braniteljica ljudskih prava, i njihov aktivizam, zalagačke napore i hrabri činove otpora.

6. decembar: Montrealski masakr, sjećanje na ubistva 14 studentica Elektrotehničkog fakulteta, Univerziteta u Montrealu, Kanada 1989.g. koje je bilo zasnovano na mržni po osnovu pola/roda.

Dodatni datumi

- **29. novembar:** Međunarodni dan solidarnosti sa narodom Palestine.
- **1. decembar:** Svetski dan borbe protiv AIDS-a
- **2. decembar:** Međunarodni dan borbe za ukidanje ropstva
- **3. decembar:** Međunarodni dan osoba sa invaliditetom

PRIDRUŽITE SE

Započnite svoju kampanju!

Kampanja 16 Dana aktivizma je otvorena za sve aktivistkinje i aktiviste širom svijeta, a CWGL poziva učesnice i učesnike da se pridruže temi kampanje, *Od mira u kući do mira u svijetu: Oспорimo militarizam i zaustavimo nasilje protiv žena!*, na načine koje smatraju najefikasnijim.

Podržavamo vas!

- **Materijali Resursnog paketa:** Svake godine, CWGL priprema Resursni paket za kampanju 16 Dana aktivizma protiv rodnog nasilja koji učesnice i učesnici mogu koristiti kako bi isplanirali aktivnosti kampanje koju provode na lokalnom nivou. Preuzmite materijale Resursnog paketa ili zahtjevajte printanu kopiju: <http://16dayscwg.rutgers.edu>
 - **Web kalendar kampanje 16 Dana aktivizma:** Pristupite web kalendaru kampanje 16 Dana aktivizma na međunarodnom nivou kako biste saznali koje organizacije iz vaše regije provode aktivnosti u okviru kampanje ili da podijelite informacije o vašim aktivnostima sa drugim organizacijama: <http://16dayscwg.rutgers.edu/campaign-calendar>
 - **Forum kampanje 16 Dana aktivizma:** Provjerite web diskusioni forum kako bi ste se povezali sa drugim učesnicima i učesnicima i saznali le više informacija o specifičnim pitanjima na koje je usmjerena kampanja: <http://16dayscwg.rutgers.edu/get-involved/16-days-discussion-forum>
- Koristite web alate kako biste se povezale i podijele informacije!**
- **Web strana:** <http://16dayscwg.rutgers.edu>
 - **Email:** 16days@cwgl.rutgers.edu
 - **Priključite se mailing listi 16 Dana aktivizma:** https://email.rutgers.edu/mailman/listinfo/16days_discussion
 - **Facebook:** <http://www.facebook.com/16DaysCampaign>
 - **Twitter:** #16days; @16DaysCampaign; @CWGLRutgers
 - **Flickr:** <http://www.flickr.com/photos/16dayscampaign>
 - **Skype:** cwgl_16days
 - **Tumblr:** <http://cwgl.tumblr.com/>